



MICHELSEN

ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is



ROLEX

MARKAÐURINN

Miðvikudagur 6. júní 2011 | 10. tölublað | 8. árgangur

Sími: 512 5000 | [visir](http://www.visir.is) www.visir.is

Áratuga forskot
með Svaninn!

GUDJÓNÓ
VISTVÆN PRENTSMÍÐJA
Sími 511 1234 • www.gudjono.is

Ferðamenn þurfa að eyða meiri peningum á Íslandi



→ Meðaleyðsla hvers ferðamanns hefur minnkað frá 2007.

→ Á sama tíma hefur ferðamönnum fjölgað gríðarlega.

→ Háannatímabilið í ferðabjónustunni er að lengjast.

Keldan kaupir Vaktarann

Keldan ehf. hefur keypt Vaktarann, kerfi sem býður viðskiptavinum upp á að fylgjast sjálfvirkir með þjóðfélagsumræðunni, af CLARA ehf. Yfir 100 aðilar nýta sér þjónustu Vaktarans á hverjum degi. Þeir verða ekki fyrir neinni röskun vegna kaupanna.

Vaktarinn er kerfi sem tekur saman þau orð sem fólk tengir við vörumerki viðskiptavinarins og birtir niðurstöður á myndrænan hátt með gagnvirkum skýrslum og Excel. Með þeim hætti gefst viðskiptavinum hans tækifæri til að fylgjast með umræðum um sitt fyrirtæki á netinu.

CLARA ehf., sem bjó til Vaktarann, sérhæfir sig í umræðugreiningu og hefur verið að hasla sér völl erlendis að undanfögnu sem leiðandi afl í greiningu á samfélögum tölvuleikja. Félagið hefur meðal annars gert samninga við aðila á borð við PlayStation, Eve Online, Final Fantasy og EverQuest.

-bsj

Íslendingar sendu um 200 milljónir sms-skilaboða í fyrra

Íslendingar sendu 195,5 milljónir smáskilaboða á árinu 2011. Það þýðir að hver Íslendingur hefur að meðaltali sent 612 skilaboð. Viðskiptavinir Nova senda mun fleiri smáskilaboð en viðskiptavinir annarra fjarskiptafyrirtækja. Alls sendu þeir tæplega 110 milljónir slíkra skilaboða á árinu 2011, eða 56,2 prósent allra þeirra smáskilaboða sem send voru hérlendis á því ári. Alls sendu viðskiptavinir Nova 24 milljónum fleiri smáskilaboð í fyrra en árið áður. Þetta kemur fram í nýrri tölfræðiskýrslu Póst- og fjarskiptastofnunar sem var birt í síðustu viku.

Alls fjölgaði smáskilaboðum sem send voru innan íslenska fjarskiptakerfisins um 23,5 milljónir í fyrra og því ljóst að öll sú aukning skilaði sér til Nova. Viðskiptavinir Símans sendu um 41 milljón skilaboð, sem er um 1,2 milljón færri en árið áður. Markaðshlutdeild Símans á sms-markaði var 21 prósent um síðustu áramót. Hlutdeild Vodafone dróst saman og var 19,2 prósent, þrátt fyrir að örli til aukning hafi verið í sendum skilaboðum á milli ára.

-bsj

OAKLEY



Sá sem gerir kröfu um mestu skerpu og vörn fyrir augun velur **OAKLEY** með HDO gleri. Fáanleg með styrkleika.

Birgir Gilbertsson
járnkarl.


OPTICAL STUDIO/OAKLEY-umboðið á Íslandi

Optical Studio
SMÁRALIND • LEIFSSTÖÐ • KEFLAVÍK

Fróðleiksmolinn

DataMarket

Heildarfjöldi stang- og netaveiddra laxa



Heimild: Veiðimálastofnun
Skráð: 5. júní 2012

Laxveiðitímabilið 2012 hófst í gærmorgun með veiði í Norðurá. Samkvæmt heildum frá Veiðimálastofnun var sumarið 2011 það fjórða besta frá upphafi. Alls veiddust þá 55.639 laxar á stöng en af þeim var 16.876 löxum sleppt í árnaftur sem er um 30% af stangveiddum laxi. Hlutfall "veiða og sleppa" hefur aukist jafnt og þétt frá árinu 1996, úr 2% í 30% af öllum stangveiddum laxi.

Af veiddum löxum sumarið 2011 var 81% smálaxar (eins árs fiskur) og 19% stórlaxar. Heildarþyngd allar landaðra laxa í stangveiði var 101.720 kg.

Almennt er búist við að laxveiði verði yfir meðallagi í sumar þó ekki sé gert ráð fyrir met ári. Árið 2008 var met ár en þá veiddust 84.124 laxar á stöng og 23% af laxinum var sleppt í árnaftur.

Dagatal viðskiptalífsins

keldan
dagatal viðskiptalífsins

MIÐVIKUDAGUR 6. JÚNÍ

- Fasteignamarkaðurinn í mánuðinum eftir landshlutum
- Gistinætur og gestakomur
- Lífeyrissjóðir - hagtölur Sí

FIMMTUDAGUR 7. JÚNÍ

- Talning úr Þjóðskrá Íslands
- Bein fjárfesting – hagtölur Sí
- Efnahagur Seðlabanka Íslands – hagtölur Sí
- Morgunfundur um olíu á drekasvæðinu

FÖSTUDAGUR 8. JÚNÍ

- Vísitala launa á fyrsta ársfjórðungi 2012
- Landsframléiðsla á fyrsta ársfjórðungi 2012
- Erlend staða Seðlabankans – hagtölur Sí
- Aðalfundur Haga
- Útboð ríkisbréfa

MÁNUDAGUR 11. JÚNÍ

- Fjármál hins opinbera á fyrsta ársfjórðungi 2012
- Markaðsupplýsingar Lánamála Ríkisins

ÞRIÐJUDAGUR 12. JÚNÍ

- Fjöldi þinglýstra leigusamninga
- Atvinnuleysi í maí 2012
- Greiðslumiðlun

MIÐVIKUDAGUR 13. JÚNÍ

- Vaxtaákvörðunardagur Sí
- Gjaldeyriforði og tengdir liðir – hagtölur Sí
- Útboð ríkisvixla

FIMMTUDAGUR 14. JÚNÍ

- Vísitala launakostnaðar
- Fiskafli í maí 2012
- Smásöluvísitala RSV
- Tryggingafélög – hagtölur Sí

Allar markaðsupplýsingar eru aðgengilegar á **VÍSIR**

LSR selur í Bakkavör vegna óánægju

LSR hefur selt allan eignarhlut sinn í Bakkavör Group. Barst sjóðnum tilboð í hlutinn eftir að hugmyndir um hlutafjárukningu félagsins voru kynntar en LSR lagðist gegn hluthafasamkomulagi sem samþykkt var á hluthafafundi 23. maí síðastliðinn.

LÍFEYRISJÓÐIR

Magnús Þorlákur Lúðvíksson
magnusl@frettabladid.is

Lífeyrissjóður starfsmanna ríkisins, LSR, hefur selt allan eignarhlut sinn í Bakkavör Group. Barst LSR tilboð í eignarhlutinn eftir að hugmyndir um hlutafjárukningu Bakkavarar voru kynntar en LSR lagðist gegn samþykkt á hluthafasamkomulagi sem byggði á hugmyndunum og var samþykkt á hluthafafundi 23. maí. LSR hafði þó þegar selt hlutinn þegar fundurinn fór fram.

„Við fengum tilboð í gegnum ótengdan aðila en samkvæmt efni þess samnings sem gerður var um söluna í kjölfarið ríkir trúnaður um efni hans fyrst um sinn. Ég get þó staðfest að við höfum selt allan okkar eignarhlut og eigum því ekkert lengur í Bakkavör,“ segir Haukur Hafsteinnsson, framkvæmdastjóri LSR.

Haukur segir að LSR hafi ekki verið sáttur við þær hugmyndir sem kynntar voru á hluthafafundi Bakkavarar Group um hlutafjárukningu félagsins. „Það hefur verið ljóst í nokkurn tíma að forsendur þess nauðasamnings sem kröfuhafar gerðu við félagið á sínum tíma hafa ekki gengið eftir. Reksturinn hefur einfaldlega verið erfiðari en miðað var við í forsendum samningsins. Það kallaði því á breytingar sem hafa verið kynntar, meðal annars um auknið hlutfé,“ segir Haukur og heldur áfram: „Við settum okkur hins vegar upp á móti þeim hugmyndum og þegar tilboðið barst ákváðum við því fremur að taka því en að vinna eftir samkomulaginu.“ Í samkomulaginu fólst að íslensk-



HAUKUR HAFSTEINSSON Haukur segir LSR ekki hafa verið sáttan við það samkomulag um hlutafjárukningu í Bakkavör sem samþykkt var á hluthafafundi 23. maí síðastliðinn. Fleiri hluthafar, þar á meðal Landsbankinn, voru á móti samkomulaginu. FRÉTTABLAÐIÐ/ARNÞÓR

ir kröfuhafar Bakkavarar Group myndu eignast félagið að mestu. Á sama tíma myndi falla úr gildi hluthafasamkomulag sem tryggði þeim Ágústi og Lýði Guðmundssyni meirihluta í stjórn félagsins og þá skyldu bræðurnir skila eignarhlut í Bakkavör Group til Klakka, áður Exista, sem færður var út úr félaginu árið 2009.

Á móti var samþykkt að bræðurnir gætu keypt allt að 25 prósent hlut í félaginu og myndi hlutur annarra hluthafa þynnast út. Fyrir hlutinn myndu þeir greiða um fjóra milljarða króna sem er talsvert undir markaðsvirði félagsins en hlutfé þess er talið 20 til 40 milljarða króna virði.

Fréttablaðið hefur áður greint frá því að hópur hluthafa í Bakkavör Group var á móti þeim hugmynd-

um sem kynntar voru á hluthafafundi félagsins 23. maí síðastliðinn um skilyrta hlutafjárukningu.

Einn af þeim aðilum sem settu sig upp á móti samkomulaginu var Landsbankinn sem sat hjá við atkvæðagreiðslu um samkomulagið. Var meðal annars haft eftir Kristjáni Kristjánssyni, upplýsingafulltrúa Landsbankans, í Fréttablaðinu síðasta föstudag að bankinn hefði verið mjög óánægður með það verð sem bræðrunum bauðst í hlutafjárukningunni og marglýst yfir andstöðu við samkomulagið.

Vinna við gerð samkomulagsins var leidd af Arion banka sem var stærsti einstaki kröfuhafi Bakkavarar Group. Aðrir stórir kröfuhafar voru skilanevnd Glitnis, LSR, Lífeyrissjóður verzlunarmanna og Gildi lífeyrissjóður.

Seðlabankinn á tíu prósent hlut í Sögu sem mun tapast:

Saga Capital í slitameðferð

Saga Capital hf., sem lengi vel var fjárfestingabanki, hefur verið tekið til slitameðferðar og félaginu skipuð slitastjórn. Þetta gerist í kjölfar þess að Héraðsdómur Norðurlands eystra úrskurðaði að krafa Fjármálaeftirlitsins (FME) um að félagið yrði tekið til slitameðferðar væri réttmæt. Kröfulýsingarfrestur er til 24. ágúst næstkomandi. Þetta kemur fram í innköllun sem birtist í Lögbirtingarblaðinu á mánudag. Í slitastjórn voru skipaðir Ástráður Haraldsson, Arnar Sig-

fússon og Sigrún Guðmundsdóttir. FME afturkallaði starfsleyfi Sögu sem fjárfestingabanka í október 2011 þar sem hann fullnægði ekki ákvæðum laga um fjármálafyrirtæki um eigið fé. Í kjölfarið var nafni hans breytt aftur í Sögu Capital og félaginu bannað að kalla sig banka.

Forsvarsmenn Sögu reyndu að fá ákvörðunina ógilta en Héraðsdómur Reykjavíkur staðfesti hana í mars síðastliðnum. Í kjölfarið höfðu FME mál og gerði kröfu um að Sögu yrði slitið. Saga Capi-

tal tapaði samtals 8,3 milljörðum króna á árunum 2008-2010. Seðlabanki Íslands átti óbeinan tíu prósent hlut í félaginu sem nú er tapaður. Forsaga þess að bankinn eignaðist þann hlut er sú að ríkissjóður veitti Sögu 19,6 milljarða króna lán í mars 2009 á tveggja prósent vöxtum, sem var langt undir þáverandi ávöxtunarkröfu sem var um tólf prósent. Saga núvirtu lánið og bjó þar með til nægilega mikla eign í bókhaldi sínu til að sýna jákvætt eigið fé. Þetta lán er tapað að langmestu leyti. -þsj

Leiguflug innanlands og milli landa



Við erum alltaf á tíma...
...á þínum tíma!

Hraðfleyg

7 breið og þægileg sæti

Akureyrarflugvelli | 600 Akureyri | 414 6960 | www.norlandair.is | norlandair@norlandair.is



Við bjóðum fyrirtækjum sérþekkingu

Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnið í þínu starfi jafn vel og þú, þá vitum við hvað starfið gengur út á.

Starfsfólk Íslandsbanka býr yfir áratugareynslu í þjónustu við sjávarútveginn og hjá bankanum starfar stór hópur fólks með sérþekkingu á greininni. Þannig getum við ávallt tryggt fyrirtækjum í þessari undirstöðuáttvinnugrein þjóðarinnar þá bankaþjónustu sem hún þarfnast.

Þekking sprettur af áhuga.

Hallgrímur Magnús Sigurjónsson hefur yfir 30 ára reynslu af sjávarútvegi og fjármögnun sjávarútvegs.

Magnús er útibússtjóri hjá Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki

Internetmarkaður á Íslandi:

Síminn með rúmlega helmingshlutdeild

Síminn er með rúmlega helmingsmarkaðshlutdeild á internetmarkaði. Alls eru 56.454 aðilar með internetáskrift hjá fyrirtækinu, sem eru 50,6 prósent allra internetáskrifta. Síminn tapaði þó rúmlega 500 viðskiptavinum í fyrra. Þetta kemur fram í nýrri tölfræðiskýrslu Póst- og fjarskiptastofnunar sem var birt í síðustu viku. Vodafone er næststærsti aðilinn á internetmarkaði með 31,8 prósentu markaðshlutdeild. Viðskiptavinum fyrirtækisins fjölgaði um

rúmlega tvö þúsund á síðasta ári og voru 35.498 í lok þess. Samanlögð markaðshlutdeild Símans og Vodafone var því 82,4 prósent. Tal, þriðji stóri aðilinn á markaðnum, var með 10,4 prósent hlutdeild eftir að hafa tapað um 2.300 viðskiptavinum. Fjöldi þeirra sem var með internetþjónustu sína hjá öðrum aðilum en hinum þremur stærstu fjölgaði um tæplega þrjú þúsund á milli ára. Hlutdeild þess hóps fór úr 4,7 í 7,2 prósent.

-þsj

Íslandsbanki ekki með bónusa á teikniborðinu:

Arion á til útfærslur á kaupaukakerfi

Íslandsbanki er ekki með neitt kaupaukakerfi á teikniborðinu sem stendur en Arion banki á til útfærslur á slíku kerfi þó að engin ákvörðun hafi verið tekin um upptöku þess hjá bankanum. Þetta kom fram í svörum upplýsingafulltrúa Íslandsbanka og Arion banka við fyrirspurn Markaðarins um hvort unnið væri að uppsetningu slíks kerfis hjá þeim. Í svari Haralds Guðna Eiddssonar, upplýsingafulltrúa Arion banka, kom fram að kaupaukakerfi hefði ekki verið tekið upp hjá bankanum. „Hins vegar eru þegar til útfærslur á kaupaukakerfi en engin ákvörðun hefur verið tekin um upptöku þess hjá bankanum.“ Arion banki vildi ekki veita frekari upplýsingar um í hverju þær útfærslur fælust.



ÍSLANDSBANKI Birna Einarsdóttir er bankastjóri bankans. Hjá honum eru engin áform um kaupaukakerfi.

FRÉTTABLAÐIÐ/ANTON BRINK

Guðný Helga Herberdsdóttir, upplýsingafulltrúi Íslandsbanka, sagði einfaldlega að kaupaukakerfi væri ekki á teikniborðinu hjá Íslandsbanka í dag. Markaðurinn hefur þegar greint frá því að safnað hefur verið í stofn kaupaukakerfis hjá Landsbankanum frá því í desember 2009. Starfs-

menn bankans geta eignast allt að tveggja prósentu hlut í bankanum á næsta ári hækki virði skilyrts skuldabréfs milli gamla og nýja Landsbankans um rúma 30 milljarða króna. Það hefur þegar hækkað um 60,8 milljarða króna sem tryggir starfsmönnum Landsbankans 1,45 prósent hlut. Virði hans er rúmlega þrjú milljarðar króna í dag.

-þsj

Skuldabréfaútbod og hlutfjárukning hjá CCP:

Björgólfur Thor ætlar að taka þátt

Novator, fjárfestingafélag í eigu Björgólfs Thors Björgólfssonar, ætlar að kaupa breytileg skuldabréf og/eda taka þátt í fyrirhugaðri hlutfjárukningu sem tölvuleikjaframleiðandinn CCP hyggst ráðast í á næstunni, samþykki aðalfundur félagsins áætlunina. Alls vill stjórn CCP fá heimild til að taka skuldabréfalán upp á allt að 20 milljónum dala, jafnvirði um 2,6 milljarða króna, til fimm ára. Þá sækist stjórnin einnig eftir því að fá heimild til að hækka hlutfat um allt að 625 þúsund krónur að nafnvirði með útgáfu nýrra hluta í tengslum við skuldabréfalánið. Aðalfundurinn verður haldinn 12. júní næstkomandi.

Novator er stærsti einstaki eigandi CCP með 30,4 prósentu eignarhlut. Markaðurinn beindi fyrirspurn til Novators um hvort félagið myndi taka þátt í ofangreindri fjármögnun. Í svari Ragnhildar Sverrisdóttur, talsmanns Novators, kemur fram að „afstaða Novators er sú að félagið hefur áhuga á að taka þátt í þessari fjármögnun og styðja við félagið, hér eftir sem hingað til“.

-þsj



NOVATOR Björgólfur Thor Björgólfsson er aðaleigandi fjárfestingafélagsins Novator, sem er stærsti eigandi CCP.

FRÉTTABLAÐIÐ/VILHELM



EIGENDUR Verði nauðasamningurinn samþykktur munu kröfuhafar gamla Kaupþings, eða þeir sem hafa keypt kröfur þeirra, eiga 87 prósentu hlut í Arion banka.

FRÉTTABLAÐIÐ/PJETUR

Fer í nauðasamninga á næstu mánuðum

Slitastjórn Kaupþings ætlar að leggja fram nauðasamning á þriðja ársfjórðungi. Stofnað verður íslenskt eignarhaldsfélag utan um eignir. Almennir kröfuhafar, sem að langstærstu leyti eru erlendir, munu eiga og stjórna nýja félaginu.

SLITAMÉÐFERÐ

Þóður Snær Júlíusson
thordur@frettabladid.is


Kaupþing mun fara í nauðasamningsferli á allra næstu mánuðum. Stefnt er að því að leggja fram nauðasamning eins fljótt og auðið er á þriðja ársfjórðungi ársins 2012. Sá ársfjórðungur hefst 1. júlí næstkomandi. Eftir nauðasamninginn verður Kaupþing íslenskt eignarhaldsfélag í eigu, og undir stjórn, almennra kröfuhafa bankans. Þeir eru að langstærstu leyti erlendir aðilar. Einnig er mögulegt að sérstakt eignastýringarfyrirtæki verði sett á laggirnar til að fara með áframhaldandi eignastýringu fyrir Kaupþing. Þetta kemur fram í kynningu sem slitastjórn bankans hélt fyrir kröfuhafa hans 31. maí síðastliðinn. Eignarhaldsfélagið yrði meðal annars eigandi 87 prósentu hlutfjár í hinum íslenska Arion banka.

Samþykktar almennar kröfur í bú Kaupþings í dag eru 2.873 milljarðar króna, en samtals var lýst kröfum í búið fyrir tæplega 4.900 milljarða króna. Virði eigna þrotabúsins var metið á 874 milljarða króna í lok árs 2011.

Í greiningu sem Houlihan Lokey, sem hefur unnið mikið fyrir erlenda kröfuhafa, gerði í nóvember í fyrra og Markaðurinn hefur undir höndum, kom fram að innlendir kröfuhafar Kaupþings myndu líklega tapa um 223 milljörðum króna og fá um 23 prósent af kröfum sínum til baka. Erlendir kröfuhafar bankans myndu hins vegar tapa 2,295 milljörðum króna og fá 21 prósent upp í kröfur sínar. Tap kröfuhafa Kaupþings yrði mest allra þeirra sem áttu kröfur á íslensku bankana.

Í kynningunni segir að „að loknu ítarlegu samráði við óformlega kröfuhafaráðið (ICC) og ýmsa aðra stóra kröfuhafa Kaupþings, er niðurstaðan sú að ICC og stórir kröfuhafar Kaupþings styðja ein-

FYRIRHUGUÐ SKIPAN EFTIR NAUÐASAMNING



SAMKOMULAG VIÐ SINGER&FRIEDLANDER

Slitastjórn Kaupþings tilkynnti kröfuhöfum sínum í síðustu viku að hún hefði náð samkomulagi við þrotabú Kaupþing Singer&Friedlander, fyrrum dótturbanka Kaupþings, um uppgjör á 132,8 milljarða króna kröfum hans í bú Kaupþings. Í samkomulaginu felst að kröfur sem hafa verið í ágreiningu lækka um 39,7 milljarða króna.

dregið að leitað verði nauðasamninga. Á grundvelli þessa hefur Kaupþing unnið, ásamt ráðgjöfum sínum, að undirbúningi nauðasamnings. Leggja á hann fyrir á þriðja ársfjórðungi þessa árs.

Ýmis atriði gætu þó haft áhrif á tímasetningu nauðasamningsins. Þar á meðal er afstaða Fjármálaeftirlitsins (FME) og skattayfirvalda til hans og áhrif gjalddeyrishafta, þar sem reglur Seðlabanka Íslands, sem gilda eiga um kröfuhafa bankanna, eru enn óbirtar.

Aðeins almennir kröfuhafar fá að kjósa um nauðasamninginn. Til að hann verði samþykktur þarf stuðning frá eigendum 60 prósentu af virði allra nauðasamningskrafna og 70 prósentu af fjölda þeirra sem taka þátt í atkvæðagreiðslunni.

Eftir staðfestingu nauðasamningsins mun slitastjórn Kaup-

þings láta af störfum og kröfuhafar bankans taka hið nýja félag yfir. Lagt hefur verið til að ný stjórn Kaupþings verði skipuð sjö einstaklingum og stefnt er að ráðningu framkvæmdastjóra félagsins. Í kynningunni segir að „alþjóðlegt ráðningarfyrirtæki vinnur nú að því að finna aðila með þekkingu, reynslu og bakgrunn til setu í stjórninni, bæði er leitað að íslenskum og erlendum aðilum“. Þegar búið verður að finna nýja stjórn og framkvæmdastjóra munu þeir aðilar verða til ráðgjafar við að setja upp skipulag nýs fyrirtækis fram að nauðasamningi. Þá hefur slitastjórn kynnt þann möguleika að setja upp sérstakt eignastýringarfyrirtæki, sem stýrt yrði af núverandi eignastýringarteymi, sem myndi sinna eignastýringu fyrir Kaupþing og mögulega aðra þegar fram líða stundir.

ÞARF AÐ FRAMKVÆMA MARKAÐSGREININGAR

Erna Hauksdóttir, framkvæmdastjóri Samtaka ferðaþjónustunnar, segir það afleitt að rauneyðsla ferðamanna sé að dragast saman. „Markmiðið er alltaf að fá ferðamenn til að eyða meira. En það er hægara sagt en gert að stýra því nema að vera með vörur til sölu sem eru verðmætar og eftirsóknarverðar. Við megum heldur ekki gleyma því að það er kreppa í öllum heiminum, þar með talið á okkar helstu markaðssvæðum.“



ERNA HAUKSÐÓTTIR

Að hennar sögn vantar tilfinnanlega meiri rannsóknir og betri greiningar á ferðaþjónustugeiranum en til eru í dag. „Okkur vantar til dæmis mun betri upplýsingar um hvaðan tekjurnar koma. Það eru til upplýsingar um skiptingu milli flugtekna og annarra tekna, en það er ekki nóg. Það skiptir gríðarlega miklu máli að fá betri greiningu á hvaðan tekjurnar koma til að hjálpa við að ná því markmiði að auka tekjur á hvern ferðamann. Eitt af því sem við þurfum að gera er að framkvæma svokallaðar markaðsgreiningar. Þær kosta mikla peninga, en skoða hvaða hópar vilja hvaða vöru og eru tilbúnir að borga peninga fyrir þær. Margar þjóðir eru að framkvæma slíkar greiningar, en við höfum ekki verið að gera þær.“



INGA HLÍN PÁLSDÓTTIR

Inga Hlín Pálsdóttir, forstöðumaður markaðssóknar hjá Íslandsstofu, segir markhópagreiningu hafa farið fram hjá stofunni að undanförmu. „Undanfarið höfum við verið að reyna að greina þann hóp sem hefur áhuga á Íslandi. Við höfum verið að reyna að meta hann ekki út frá landfræðilegum þáttum eða aldri heldur meira út frá áhugamálum fólks. Þetta er vinna sem við eru rétt byrjuð að tæpa á.“

Í þessari vinnu höfum við skilgreint markhóp sem við köllum „hinn upplýsta ferðamann“. Hann er lífsstílsmiðaður ferðamaður sem sækist eftir fleira en hinu venjulega. Hann fer ekki í típískar verslunarferðir, er duglegur að sækja sér upplýsingar á netinu og er tilbúinn að deila upplifunum sínum. Við viljum síðan greina þennan hóp dýpra í kjölfarið.“

Hún segir Íslandsstofu nýverið hafa gert viðhorfskönnun í fjórum löndum: Þýskalandi, Frakklandi, Danmörku og Bretlandi. „Í þeim erum við að meta hverjir það eru sem eru jákvæðir gagnvart Íslandi sem áfangastað og hverjir það eru sem vilja ferðast til Íslands í framtíðinni. Í þessum könnunum erum við ekki að tala við ferðamenn sem þegar koma til landsins, heldur þá sem við eigum enn eftir að ná til.“

Að sögn Ingu Hlínar snérist „Inspired by Iceland“ átakið að sumu leyti um að reyna að fá ferðamenn til að eyða meiri peningum hérlandis en þeir gerðu áður. „Þar vorum við að láta þá vita af öllu sem hægt er að gera á Íslandi. Að láta vita af matnum, hönnuninni og svo framvegis. Þar var lögð áhersla á að það sé meira í boði á Íslandi en bara náttúran, sem verður þó alltaf númer eitt.“



BLÁA LÓNID Ferðamönnum sem koma til landsins hefur fjölgað um 6,1 prósent á ári frá aldamótum. Rúmlega 70 prósent þeirra sem heimsóttu landið sumarið 2011 heimsóttu sundstaði eða náttúrubböð á borð við Bláa Lónið. MYND/GETTY IMAGES

Ferðamenn eyða minna en árið 2007

Meðaleyðsla hvers einstaks ferðamanns hefur dregist saman á síðustu fimm árum ef tekið er tillit til veikingar krónunnar. Á sama tíma hefur ferðamönnum fjölgað um hátt í hundrað þúsund. Vöntun er á rannsóknum og greiningum á eyðslunni til að hægt sé að auka hana.

FRÉTTASKÝRING

Þóroddur Snær Júlíusson
thorodur@frettabladid.is


Hver einstakur erlendur ferðamaður eyddi jafn miklu hérlandis í fyrra og hann gerði árið 2009. Eyðsla á hvern ferðamann dróst saman um rúm sex prósent frá árinu 2010 ef miðað er við fast verðlag. Eyðsla ferðamanna hefur minnkað frá árinu 2007 ef tekið er tillit til falls krónunnar gagnvart helstu gjaldmiðli. Þetta kemur fram í tölum um árlega kortaveltu erlendra ferðamanna sem DataMarket tók saman fyrir Markaðinn. Ferðamönnum sem koma til Íslands hefur fjölgað mjög hratt á undanförmu árum. Í fyrra komu samtals 565.600 slíkir til Íslands samkvæmt tölum frá Ferðamálastofu Íslands. Þar af komu rúmlega 540 þúsund manns um Leifsstöð. Þeim fjölgaði um 15,7 prósent á síðasta ári og hefur fjölgað að meðaltali um

6,1 prósent á ári frá aldamótum, þegar 303 þúsund manns heimsóttu landið. Tæplega 96 prósent þeirra, alls 541 þúsund manns, koma til landsins um Leifsstöð. Restin kemur með Norrænu eða með flugi um Reykjavíkur-, Akureyrar- eða Egilsstaðaflugvöll. Samkvæmt tölum sem DataMarket tók saman, og ná til þeirra sem koma hingað um Leifsstöð, komu flestir erlendir ferðamenn til landsins í ágúst í fyrra. Mesta athygli vekur þó mikil aukning ferðamanna í septembermánuði, en þeim fjölgaði um 20,7 prósent á milli ára. Sú aukning gefur sterklega til kynna að háannatími íslenskrar ferðaþjónustu sé að lengjast. Til viðbótar við ofangreint hefur fjöldi þeirra sem koma við á Íslandi og ferðast með skemmtiferðaskipum aukist mjög hratt. Farþegar þeirra voru um 27 þúsund árið 2000 en mældust 66 þúsund alls í fyrra. Fjöldi ferða-


manna sem sækja Ísland heim með þessari leið hefur aukist um 9,3 prósent á ári á tímabilinu. Þrátt fyrir að ferðamönnum hafi fjölgað gríðarlega mikið þá virðist meðaleyðsla þeirra ekki vera að aukast mikið. Á föstu verðlagi eyddi hver ferðamaður rúmlega 120 þúsund krónum hérlandis í fyrra. Inni í þeirri tölu er allur gisti- og ferðakostnaður innanlands. Það er nánast sama upphæð og hver ferðamaður var að eyða að meðaltali árið 2009 og um átta þúsund krónum minna á hvern ferðamann en árið 2010. Þessi þróun hefur átt sér stað þrátt fyrir að Ísland hafi farið úr því að vera mjög dýrt land heim að sækja í það að vera mjög ódýrt vegna falls íslensku krónunnar. Virði hennar féll til dæmis um 43 prósent gagnvart evru frá árslokum 2007 fram til síðustu áramóta. Á sama tíma hefur eyðsla ferðamanna í krónum talið einungis aukist um 39,3 prósent þegar búið er að leiðrétta fyrir verðbólgu.

ÞRÓUN Í FERÐAÞJÓNUSTU Á ÍSLANDI


Erlend Kortavelta - Mánaðargögn



Erlendir gestir um Leifsstöð eftir árum og þjóðernum 2003-2011 (nóv-okt)



Fjöldi erlendra gesta um Leifsstöð



Ferðamenn um Leifsstöð eftir löndum

Breyting á milli ára

Bandaríkin	26.395	↓	278
Bretland	7.282	↑	1.034
Danmörk	2.566	↓	500
Finnland	1.019	↓	296
Frakkland	6.702	↓	52
Holland	2.716	↑	61
Ítalía	2.654	↓	78
Japan	1.322	↓	209
Kanada	4.482	↓	220
Kína	3.590	↑	375
Noregur	6.140	↑	162
Önnur þjóðerni	4.836	↑	733
Pólland	986	↑	138
Rússland	827	↓	90
Spánn	1.734	↓	93
Swiss	992	↑	93
Svíþjóð	4.891	↓	228
Þýskaland	2.438	↓	157

BRETAR KOMA HINGAÐ ALLT ÁRIÐ

Flestir þeirra ferðamanna sem koma til Íslands koma frá Bandaríkjunum. Af þeim tæplega 541 þúsundi ferðamanna sem kom til landsins um Leifsstöð í fyrra komu tæplega 78 þúsund þaðan. Þeim fjölgaði um rúmlega 26 þúsund á milli ára, sem er aukning um 51,6 prósent. Einungis ferðamönnum frá Kína fjölgaði hlutfallslega meira, en þeim fjölgaði um 69 prósent. Alls komu tæplega 68 þúsund Bretar til landsins. Þeim fjölgaði um rúm tólf prósent á milli ára og er sá hópur sá næstfjölmennasti sem hingað kemur ef mælt er eftir þjóðerni. Í samantekt DataMarket kemur fram að tæpur helmingur þeirra kemur utan hins hefðbundna háannatíma (maí-október). Það er langhæsta hlutfall ferðamanna frá einu landi sem heimsækir Ísland utan hans. Til samanburðar má geta þess að einungis um 17 prósent þeirra 57 þúsund þýsku ferðamanna sem komu til Íslands á síðasta ári ferðuðust hingað utan háannatíma. Alls komu samtals 15.686 ferðamenn um Leifsstöð frá Kína og Japan í fyrra. Kínverskum ferðamönnum fjölgaði gríðarlega, um 69 prósent á milli ára, en samanlagt hlutfall ferðamanna frá þessum tveimur gríðarfjölmennu Asíuríkjum er samt sem áður ekki nema tæp þrjú prósent af öllum þeim ferðamönnum sem komu til Íslands á árinu 2011. Ástæður þess eru helst þær að ekki er flogið beint til Íslands frá neinu Asíulandi.

HEIMILD: DATAMARKET

Fjárfestar horfa á arðgreiðslur

AÐSEND GREIN

Eggert Þór Aðalsteinsson
Sérfræðingur hjá Virðingu hf.

Ávöxtun á innlendum hlutabréfamarkaði hefur verið ágæt það sem af er ári. Góður tekjuvöxtur kauphallarfélaga í hátekniðnaði, sjávarútvegi og ferðamannaþjónustu hefur lagt grunn að öflugum sjóðstreymi sem hefur gert þeim kleift að lækka vaxtaberandi skuldir og greiða út arð til hluthafa. Sum þeirra eru jafnvel í örur vexti. Auknar og vaxandi arðgreiðslur eru til merkis um þann mikla viðsnúning sem hefur orðið á fjárhagslegri stöðu kauphallarfélaga á skömmum tíma. Fjárfestar munu horfa mikið til arðgreiðslugetu nýrra félaga sem hyggjast fara í skráningu og getu þeirra til að standa undir markmiðum sínum.

RÚMIR ÞRÍR MILLJARÐAR

Samkvæmt samantekt greinarhöfundar stefnir í að fyrirtæki skráð í Kauphöllina greiði eigendum sínum alls um 3,5 ma. króna vegna afkomu ársins 2011 samanborið við tæpan 1,5 ma. króna árið áður. Leiðrétt fyrir væntanlegri arðgreiðslu

frá Högum hafa arðgreiðslur því tvöfaldast á milli ára.

Markaðsvirði hlutabréfamarkaðarins stendur í um 300 milljörðum króna þannig að arðgreiðslur samsvara rúmu einu prósentu af markaðsverðmætinu. Það er lágt hlutfall, til samanburðar stendur arðgreiðsluhlutfallið nú í 2,23% fyrir S&P 500 vísitöluna en fór hæst í 4,1% þegar alþjóðlegir hlutabréfamarkaðir risu úr kör í mars 2009. Ýmislegt bendir þó til þess að hlutfall íslenska markaðarins fari hækkandi. Tvennt kemur þar til: Annars vegar hafa sum félögin mótað arðgreiðslustefnu sem gerir ráð fyrir auknum arðgreiðslum að öllu óbreyttu frá núverandi gildi. Hitt er svo líklegt að mörg þeirra fyrirtækja sem stefna á hlutabréfamarkað á næstu misserum vilji laða til sín almenna fjárfesta með arðgreiðslum, má þar nefna olíufélög, tryggingafélög, banka og jafnvel orkufyrirtæki. Flestöll félög sem hafa boðað komu sína á hlutabréfamarkað eiga það sammerkt að starfa á innanlandsmarkaði þar sem vaxtærækifæri eru af skornum skammti eða jafnvel engin. Ávöxtun hlutabréfa slíkra félaga mun því að miklu leyti mótast af lækku vaxtaberandi skulda og arðgreiðslum.

ARÐGREIÐSLUSTEFNA SETT FRAM

Drjú af stóru félögunum á mark-

ARÐGREIÐSLUR KAUPHALLARFYRIRTÆKJA

Upphæðir í m.kr.

Félag	2012	2011	2010
Atlantic Airways	156	167	159
Atlantic Petroleum	0	0	0
BankNordik	0	873	0
Hagar	527	0	0
Hampiðjan	124	74	60
HB Grandi	679	340	204
Icelandair Group	800	0	0
Marel	1.156	0	0
Nýherji	25	0	0
Sláturfélag Suðurlands	27	11	0
Össur	0	0	0
Alls	3.495	1.466	423

aði, Marel, Icelandair Group og Hagar, hafa mótað arðgreiðslustefnu. Hluthafar í Marel fengu fyrr á árinu arð í fyrsta skipti síðan 2007 og geta reiknað með vexti arðgreiðslna á næstu misserum miðað við núverandi rekstur. Félagið hefur í hyggju að greiða 20-40% árshagnaðar í arð en arðurinn nú er í neðri mörkum þessa markmiðs. Icelandair Group hefur svipaða arðgreiðslustefnu – þar hækkaði m.a.s. markaðsverðmæti félagsins daginn eftir að það greiddi út 800 milljónir til hluthafa. Í tilviki Haga lagði stjórn félagsins fram þá tillögu að hluthafar gætu gengið að því vísu að arðgreiðslur verði að lágmarki 45 aurar á hlut og vaxi sam-

hliða lækku á vaxtaberandi skuldum félagsins. Hluthöfum Haga er því beinlínis lofað arði á hverju ári.

Eftir stendur Össur, næststærsta kauphallarfélagið. Þar íhuga stjórnendur að hefja arðgreiðslur, enda stýttist ört í að félagið verði skuldlaust og stór fjárfestingartækifæri hefur ekki rekið á fjörur félagsins. HB Grandi hefur greitt út arð samfleytt frá árinu 1998. Arður fyrir síðasta ár var tvöfalt meiri en árið 2010.

En það er víðar en á Íslandi þar sem fer saman góður rekstur og vöxtur arðgreiðslna. Árið 2012 verður sennilega stærsta arðgreiðsluárið meðal S&P 500 félaga síðan aldamótaárið

2000. Yfir 80% félaga í vísitölunni hafa greitt arð á árinu þ. á m. Apple og Nasdaq OMX-kauphallarsamstæðan sem greiða arð til hluthafa í fyrsta skipti.

PENINGAR EÐA ENDURKAUP?

Það er fagnaðarefni að aðeins þremur árum eftir bankahrunið skuli rekstur íslenskra kauphallarfyrirtækja geta staðið undir heilbrigðum arðgreiðslum.

Þetta er ólíkt því sem þekktist á árunum fyrir hrun þegar arðgreiðslustefna skráðra fyrirtækja var tilviljanakennd og oftast í engu samræmi við mikla skuldaför. Eftir stendur hins vegar spurningin sem margir fjárfestar fastir í fiskibúrahagkerfi gjaldeyrishafa glíma við: Hvað eiga menn að gera við arðinn? Lífeyrissjódir og hlutabréfasjódir eru áberandi á innlendum hlutabréfamarkaði. Þeir búa við mikið innstreymi fjármagns og leita logandi ljósi að góðum fjárfestingarkostum. Fyrir þá gæti hentað betur að fyrirtæki færi aðra leið að því að deila eigin fé út til hluthafa. Þannig gætu uppkaupt fyrirtækja á eigin hlutabréfum verið valkostur andspænis beinum arðgreiðslum. Með því móti er verðmæti hluthafa aukið í gegnum lækku útistandandi hluta auk þess sem sú leið dregur úr endurfjárfestingaráhættu hluthafa.

Þjóðum tölvukerfið þitt velkomið í hýsingu

Hýsing tölvukerfis hjá Advania dregur úr rekstrarkostnaði og hentar fyrirtækjum af öllum stærðum.

- » **Aukið öryggi**
Gögnin eru afrituð yfir í annan hýsingarsal og þannig geymd á tveimur stöðum. Hýsingarumhverfi okkar er vottað samkvæmt ISO 27001 sem er alþjóðlegur staðall um upplýsingaöryggi.
- » **Hámarksaðgangur að hugbúnaði og gögnum**
Öll gögn og hugbúnaður er aðgengilegur á einfaldan og þægilegan hátt.
- » **Sérfræðingar vakta gögn og kerfi**
Sérfræðingar okkar eru á vakt allan sólarhringinn, alla daga ársins


Hafðu samband og kynntu þér kosti hýsingar hjá Advania. Það er símtal sem borgar sig.



Welcome to IT

Hvað er verið að segja um þig í fjölmiðlum?

Við vöktum og greinum alla umfjöllun og tryggjum þér fullkomna yfirsýn



ALLAR FRÉTTIR Á EINUM STAÐ

Nýr notendavefur Fjölmiðlavaktarinnar veitir aðgang að öllum fjölmiðlaupplýsingum á einum stað.



SAMFÉLAGS-
MIÐLAR



ÚTVARP



NETMIÐLAR



SJÓNVARP



PRENTMIÐLAR

NÁNARI UPPLÝSINGAR Á WWW.FMV.IS

 FJÖLMÍÐLAVAKTIN

BANKAHÓLFÍÐ



Magnús Þorlákur
Lúðvíksson

Höft, vextir og kosningar

Það er kunnara en frá þurfi að segja að gjalddeyrishöftin valda hagkerfinu margs konar skaða. Það þýðir ekki að óskynsamlegt hafi verið að taka þau upp, það er mun flóknara reikningsdæmi, en það þýðir að það er mikilvægt að vinna að skipulögðu afnámi þeirra eins fljótt og auðið er. Það verkefni verður brýnna með hverjum mánuði sem líður því eftir því sem samfélagið venst höftunum lærir það betur að búa með þeim. Hljómar kannski ágætlega en er í raun neikvætt því erfiðara verður að afnema höftin því fastari sem þau eru í sessi. Með öðrum orðum má segja að höftin valdi því að íslenskt og erlent efnahagslíf reki í sundur og því lengra sem bilið verður því erfiðara verður fyrir efnahagslífið að aðlagast á ný frjálsu flæði fjármagns.

Ein afleiðing gjalddeyrishaftanna er sú að ríkissjóður hefur getað fjármagnað sig mjög ódýrt á síðustu misserum. Er það annars vegar vegna þeirra miklu fjármuna sem lokuðust inni í hagkerfinu þegar höftunum var komið á og hins vegar þess að Seðlabankinn gat eftir bankahrun haldið vöxtum mun lægri en ella þar sem höftin stöðvuðu hrun krónunnar. Hið opinbera býr sem sagt við nokkru lægri vexti af lánum sínum en skuldsetning þess gefur tilefni til. Fyrir vikið eru gríðarhá vaxtagjöld ríkissjóðs, rúmir 77 milljarðar króna árið 2012 samkvæmt fjárlögum, þó viðráðanlegri en ella.

Ríkissjóður greiðir sem sagt ríflega sjöföld árleg framlög til Háskóla Íslands í vaxtagjöld þrátt fyrir að njóta góðs af skjóli haftanna. Í ljósi þessarar stöðu ætti það augljóslega að vera forgangsmatið hjá stjórnvöldum að greiða niður skuldir og gera hinu opinbera þannig auðveldara fyrir að búa við dýrari fjármögnun þegar höftin hafa verið afnumin. Ekki síst þegar haft er í huga að útlit er fyrir nokkurn hagvöxt og minnkandi atvinnuleysi á næstunni. Bæði Alþjóðagjaldeyrissjóðurinn og Seðlabankinn hafa enda kallað eftir því að í engu verði brugðið frá markmiðum um aðhalds-sama ríkisfjármálastefnu sem hafi það að aðalmarkmiði að greiða niður skuldir. Því miður virðast hins vegar ýmis teikn á lofti um að einmitt það hafi gerst.

Það þarf kannski ekki að koma á óvart enda kosningar í nánd og augljós freisting til staðar fyrir óvinsæla ríkisstjórn að reyna að kaupa sér vinsældir með auknum ríkisútgjöldum. Þá munu stjórnarandstöðuflokkarnir sennilega lofa ýmsum framkvæmdum og útgjöldum komist þeir til valda en þar á bæ hefur áherslan heldur verið á að lofa lægri sköttum og minni niðurskurði fremur en að tala um þörfina á að greiða niður skuldir. Það eru augljósir hagsmunir ríkissjóðs, og þar með okkar allra, að lögð verði áhersla á niðurgreiðslu skulda. Kjósendur verða því að vera á varðbergi fyrir útgjaldaloforðum stjórnmalamanna sem ómögulegt eða óskynsamlegt verður að standa við.

VELKOMIN Á BIFRÖST

Opið fyrir umsóknir



Háskólasamfélagið á Bifröst er einstakt samfélag sem sameinar vandað nám og frábært umhverfi fyrir börn og fullorðna. Við leggjum áherslu á að undirbúa nemendur fyrir atvinnulífið með markvissri kennslu, símati og raunhæfum verkefnum.

Markmið okkar er að veita nám sem nýtist.

Frumgreinanám

- Frumgreinanám í fjar- og staðnámi



Grunnnám

- HHS: Heimspeki, hagfræði og stjórnmálafræði, í fjar- og staðnámi
- Viðskiptafræði, alhliða viðskiptanam, í fjar- og staðnámi
- Viðskiptafræði með áherslu á markaðssamskipti, í fjarnámi
- Viðskiptalögfræði, laganám með tengingu við rekstur, í staðnámi

Meistaránám

- MA í menningarstjórnun
- MA í menningarfræðum
- ML í lögfræði
- MS í alþjóðaviðskiptum

Opið fyrir umsóknir til 15. júní á bifrost.is



HÁSKÓLINN Á BIFRÖST
BIFRÖST UNIVERSITY

Pioneer
HLJÓMTÆKI
Best í bílinn...

Velkomin í tæran tón!



• DEH-1400U

• 4x50W Mosfet magnari · Spilar: CD-R/RW, MP3, WMA, WAV, USB · Aux og USB tengi að framan · Rauðir takkar, hvítir stafir á svörtum grunni > 19.900,- kr.



• DEH-3400UB

• 4x50W Mosfet magnari · Spilar: CD-R/RW, MP3, WMA, WAV, USB · iPod í gegnum USB (snúra fylgir ekki) · AUX og USB inngangar að framan · Multi-Color: Frjálst litaval á takka, texta og skjá > 28.900,- kr.

ORMSSON

LÁGMÚLA 8
Sími 530 2800
www.ormsson.is

VERSLANIR OG UMBOÐSMENN UM LAND ALLT